

Sámi Allaskuvla

Strategiijabargojoavku

Sámedikki nuoraidráđi kommenttat Sámi Allaskuvlla strategiijaplánas

Čujuheapmi: cealkámušbivdda 5.11.2021

Sámi Allaskuvla lea hábmeme ođđa strategiijaplána boahhte 4 jahkái, jagiide 2022-2025. Sámi Allaskuvla lea bivdán Sámedikki nuoraidráđi jurdagiid Sámi Allaskuvla doaimma birra ja makkár vuoruheamit galggašedje leat boahhte strategiijaplánas. Suoma sámedikki nuoraidráđdi giitá vejolašvuodas leahkit mielde strategiijaplána hábmemis.

Strategiijaáigodagas Sámi allaskuvla ulbmilin lea nannet dálá oahpuid ja dutkan- ja ovddidandoaimmaid kvalitehta, ja nannet fágabirrašiid. Áigodagas plánan lea bidjat johtui doaibmajuid mat nanneše allaskuvlla sajádaga iešguđet sámi giellaguovlluin. Allaskuvllas jotket sámáidduhtit buot min oahppofálaldagaid ja lasihit iešguđet sámegeielaid oinnolašvuoda ásahusa doaimmain ja doaibmasajiin. Nuoraidráđdi oaivvilda ahte giela lokten lea earenoamáš dehálaš. Sámi allaskuvlla nana sámegeielat oahppo- ja bargobiras geasuha sámenuoraid miehtá sámeaguovllu ja seammás Allaskuvla doaibmá ovdamearkkan maid eará sámeoahppolágadusaide. Nuoraidráđdi atná dehálažžan ahte vuhtiiváldojuvvojit maid dat sámenuorat geat leat massán giela dahjege leat váldime gielaset ruovttoluodda.

Plánaáigodagas áigu Sámi allaskuvla erenoamážit čađahit dárkilis analysa allaskuvlla studeantarekrutterenvuodus ja systemáhtalaččat bargat studeantarekrutteremin miehtá Sámi buot min oahppofálaldagaide, sihke prográmmaoahpuide ja oahppoovttadagaide. Strategiijaáigodagas lea plánan čađahit árvoštallama campus struktuvrra birra, mii maid vuhtiiváldá ahte allaskuvllas galggaše lassánit oahppofálaldagat miehtá Sámi. Nuoraidráđdi oaidná dán dehálažžan ja dat doarju sámenuoraid iešguđet guovlluin ja sin vejolašvuodaid studeret Sámi Allaskuvllas. Geavadagaid

ovddideapmi nu ahte oahppofálaldagat lassánit miehtá Sámi lea buorre vuolggasadji ja dot dorjot jurdaga rájáhis Sámi Allaskuvllas. Lassin maid gáiddusvejolašvuodaid nu studeremis go bargamis galggaše váldit vuhtii. Gáiddusin studeren / gáiddusbargu addá vejolašvuoda nuoraide leat mielde ovdamearkkadihte árbevirolaš ealáhusain ja oahpahus ii leat čatnon dihto báikái / campusii.

Merk.

Anni-Sofia Niittyvuopio,
nuoraidráđi ságajodiheaddji



Elli-Marja Hetta,
nuoraidčálli



Sámedikki nuoraidráđđi lea gieđahallan strategiijaplána čoahkkimisttis 15.11.2021 ja cealkámuš lea válmmaštallojuvvon dán vuodul.